



O.P.D. HOSPITAL CIVIL GUADALAJARA
 "YAPEP+RETIMANI KEPA+ 'AXAPATE REUKU'+WIYARIEKA"
 YUMAIN+AKAMEK+

Organismo Público Descentralizado Hospital Civil Guadalajara muwe Coronel Calderón 777, El Retiro m+rakutewatsie, Código Postal 44280, p+h+k+ 'its+kame hetsiena m+raka xapate 'ahetsie m+tiutiniuka pem+tatsiyetuirieni may+itari.

Titak+ m+tikumay+iwa 'ik+ Organismo 'axapate 'ik+ 'ayumie p+tikuma+wa :

- 'Aitsika 'aix+ pem+reu'eriekak+ parewiya kepa+meme 'ena m+tiyuyetua, m+reuyewet+katsie yam+ra'eriwani kutsikame.

- M+rayuye'at+wani '+kit+arikatsie, maiya 'iwaurikatsie, tsiere 'aitsikatsie mets+ 'ik+ Organismo kanih+k+t+ni Hospital Escuela, Universidad de Guadalajara mieme.

- M+rayuye'at+wani xapate m+rayu'iwawanitsie harerutsiyak+ (actividades mercantiles), tumini kem+tix+t+arie maka'ut+ariwa (contables), tumini memeuxeiyatsie kememaku'ane (financieras), tumini kem+tix+t+arie m+yexaxatsiwa (fiscales), xapatetsie mekanieret+ m+ti'uximayatsie kem+ti'aix+ (jurídicas), ketikayame tita m+reuyewetse m+tiunaneni (procesos de adquisiciones), 'uximayatsika yutawaume m+rayukatuani (contratación de servicios), tierika tsiere xanetsika mem+yetuaya memanu'enieriwani, mem+te'anuhuruwani memiyetuaya niuki metewaut+ xapate mem+texeiya tsiere waxapate m+ti'+wiyarieka, memaka'ut+arieni kem+'ane memeuhu temaikate mem+wareu'enieyuk+ tsiere yuheyewa te'uximayatamete wahamat+a mem+tehexatayuk+.

- M+rayuye'at+wani 'uximayatsikatsie, hekwater te'uximayatamete mem+ta'inierieni tsiere manuyewauyame hipame mem+tih+awiyani 'ik+ Organismo m+pa+ m+tiyurienenitsie.

Xapate 'ahetsie m+tiutiniuka m+yetuiwanik+ 'ek+ yapera'eriwakaku

'Ik+ Organismo Público Descentralizado Hospital Civil de Guadalajara, 'apit+arika heuyeh+at+ payani 'axapate m+yetuiwani 'ik+ 'its+kate wakie muyekate tsiere titak+ 'ena m+raxaxatsiwa:

<p>'Its+kate, metekemat+ memanuwet+ka, meteuyuxe+riet+ mem+teku'u, metehawiyat+ tsiere mehanuyetet+ 'its+kate tixa+t+tsie kiekari mem+'uximaya, teuteri tetewat+ yuxexuit+ yat+ni meyum+iret+.</p>	<p>Titak+</p>
<ul style="list-style-type: none"> — Fundación Hospitales Civiles de Guadalajara — Caritas de Guadalajara A.C. — Galilea 2000 A.C. — Instituto Jalisciense de Asistencia Social — Fundación de voluntarias de lucha contra el cáncer A.C. — Maestro Cleto A.C. — DIF Jalisco — DIF manuwet+ka naitсарie tsiere yuxexuit+ municipios mukumane Jalisco kiekariyartsie. 	<p>'Aitsikatsie m+timieme:</p> <p>Raxapate p+t+yetuiwa m+pa+ tiwauyu tikwikame tuminik+ m+karaye'at+wa tsiere reuyeh+at+ m+timikieni, naimek+ yat+ni yapa+memek+ 'uayete m+titinanenik+, m+reuyewet+ka, tep+ate m+reukamanani, tep+ate m+k+tsie m+kuyuaneni, m+rayukatuani 'utaxitekieni tsiere muixa xeiyarieka manayewenik+, tsiere hipame, 'aitsika muyuyetuakak+.</p>
<ul style="list-style-type: none"> — Instituto Mexicano del Seguro Social — Instituto de Seguridad y Servicios Sociales de los Trabajadores del Estado — Hospitales hakiewa peti'atuat+ pemexeiyarie tikwikame m+pa+ tiwauyu. 	<p>Kepauka tikwikame m+pa+ tiwauyu yat+ni xewit+ mareya pit+ariekame heuyuyeh+at+ manut+kieni hakiewa yu'aitsika meyeweiyani.</p>

<ul style="list-style-type: none"> — Periódico Mural — Televisa Guadalajara — TV Azteca — Pep+ramaika tsiere 'ik+tsie tepeuhake máquinas tsie: — Facebook — Twitter — Youtube — Página Web — Tsiere tihekwat+ m+ranutinex+a m+tiukutet+ka m+ranayeneikatsie. 	<p>Kiekatari waparewiyak+ raniereni, kepauka tikwikame m+pai m+tiwauni yat+ni mareya pit+ariekame maremama memetimatiwak+ yat+ni memekaxeyarienik+, tikwikame kem+reu'erie hipat+ mem+tetimanik+, tsiere kiekaripa 'ik+ Organismo kem+tiku'uximayata mamatsi+k+nik+.</p>
---	--

Pep+y+we 'apit+arika mana pemu'at+ani 'axapate m+tikumay+iwak+

X+ka yapekara'eriwani 'axapate m+tikumay+iwani, pep+y+we 'apit+arika 'ik+ Organismo pemuyetua mana pemu'at+ani.

Yat+t+, 'ipa+ pep+ra'eriwani heiwa tep+kay+wawe tematsanu'enieni yat+ni mex+iwa 'axapate may+itari tem+hayewa, m+tiuy+wek+ xapatsie m+pa+ teteheukun+'ariekaku reuyuyeh+aka 'axapate may+itarik+ temiteyeweyani. Pa+na tsiere pepeitimamatekeni tihpamek+, pit+arika mana petiu'at+ayu p+rakuneni parewiya pe'itawauka tematsiyetuirie peka'axet+ pemayani, yat+ni 'ana temayukax+na 'eki 'ik+ Organismo mat+a.

'Apit+arika mana pemu'at+anik+ xapa peta'uat+ame pepeiyetuaní Unidad de Transparencia 'ik+ Organismo miketsatsie yat+ni pehen+'ame 'ik+tsie correo electrónico transparencia@hcg.gob.mx

'Ik+ 'utsika reunaimimek+ pem+xeiya

'Ik+ 'utsika reunaimimek+ p+y+we pemekater+wa xapatsie, 'ik+ 'its+kame kiena tsiere 'ik+tsie peheuhame sitio web www.hcg.udg.mx

Coordinación General de Mejora Regulatoria y Transparencia
Tel. (33) 39 42 44 20 y 39 42 44 00 Ext. 41135
Correo electrónico transparencia@hcg.gob.mx
Coronel Calderón #777, Colonia El Retiro, Guadalajara, Jalisco